

TUSI FAILOTU KAIGA



**MASINA O SETEMA
2022**

KO TE FAKAOGAGA O TE TUSI FAILOTU I KAIGA

A te tusi tenei ne fakatoka atu mai loto i te Ulu Ofisa a te Ekalesia Kelisiano Tuvalu mo fesoasoani ki te fakatokaga mo faiga Lotu i Kaiga mo Fakapotopotoga, e pela foki mo lotu ‘talo i Asotapu. E se konei fua a mataupu talosia; kae e tuku matala e iloa manafai e isi aka ne isi mataupu e mafauaugina ke fakapitoa ki ei a te faiga talosaga mo tapuakiga.

KO TE FAKATOKAGA MO MATAUPU TALOSIA.

Ke talosia ne tatou a mataupu konei i te agaga maluga mo te talitonu me i te Atua Tolu Tasi Tapu e fakalogologo mai ki manakoga o o’tou loto takitokotasi e auala i otou talosaga fai konei.

- Ke mafai o lavea kae fakamaoniga a te iai o fuataga o te pulepulega ‘lei io me ko te taupulega ‘lei i te fakatelega o te Malo.
- Ko takitaki o te Malo ke fai a olotou tulafono mo ikuga fai ki te mea tela e loto ki ei te Atua.
- Ko sui filifilia ki te Palamene ke mafai o ga’lue fakatasi mo te manuia o te Atufenua.
- Ke mafai o atagina kae fakatalitonugina i te Malo a te tonu o tena muna fakavae: **‘Tuvalu mo te Atua’**.
- Ke mafai o fakaasi i te olaga o aso takitasi i takitaki o te Malo a te olaga tautua e se gata mo tino o te Atufenua kae maise te Atua mo tena Ekalesia tapu.
- Ko takitaki o te Atufenua ke mafai o ola i te olaga amiotonu, ava kae matakū ki te Atua.

KO TE EKALESLIA KELISIANO TUVALU.

- Ke tupu ola a te foitino lavea o Iesu Keliso (tela ko tena Ekalesia) i loto o te Atufenua.
- Ko Faifeau ke fakavae tonu a te galuega ki loto o te Atua, kae e se ko mea e ‘loto a latou ki ei.
- Ke mafai o tumau a te loto malosi mo te talitonu ki te Alikī te Atua mo ana fakamanuiaga ki a tatou i aso takitasi o te olaga.
- Ko Kelisiano katoa ke ola i te olaga talitonu mo te fakamoemoe ki te Alikī te Atua i mea katoa.
- Ko te Ekalesia ke folafola a te Tala ‘Lei o te Fakaolataga a te Atua ki tino katoa.
- Ke fakamalosī o fakataunu a te akoakoga o fanau i Fetuvalu e pela mo te fakamoemoe o te Ekalesia Kelisiano Tuvalu.

KE OLA TATOU I SE OLAGA OLA MO NISI.

- Ke talo tatou mo nisi kola e fia ‘kai kae fia inu ki te Muna tonu o te Tala ‘Lei o te Fakaolataga a te Atua.

Ulu o te aso: E uke atu fakamanuiaga e maua ne tatou i lo mea kola e foaki atu ne tatou.

Ko te fakamunaga o te ulu o te aso tenei, se tasi o vaega taua ne tauave ne te Apositolo ko Paulo i tona olaga tautua atu. Mai i tena tausiusi ki vaega taua o akoakoga a te Alikī ko Iesu, ne taumafai foki ei a Paulo fakako atu o fakako atu a akoakoga konei ki te Ekalesia i Kolinito e uiga mo te ola tuku atu io me ko te olaga fai taulaga.

Ko ana fautuaga ke mafai o nofofale i loto o tino o te Ekalesia a te fiafia o ofo atu io me ko te fiafia o fai taulaga. Kae ko te fiafia o fakatino olotou taulaga mo te loto katoatoa io me ko te loto fiafia. Kae se ko tena uiga fua ke fakatino te taulaga ona ko tino e fakatino olotou taulaga kae se fiafia te loto io me se katoatoa a te faiga o te taulaga.

Se tasi o natula e masani tatou ki ei ko te fiafia o tatou o talia a fakamanuiaga e auala i te alolofa mai o tou kaiga io me takaga. Kae e faigata ia tatou o fakatino ne tatou a te faiga o tou taulaga io me ko mealofa ki nisi tino. Taua la i ei te fakamanatu o te taeao tenei, ke masaua ne tatou i te Alikī e fiafia faeloa o tuku mai ne ia mea lei katoa kia tatou kae silia atu foki mo mea kola ne manako tatou ki ei. E tau foki la mo tatou o fiafia o fakafoki atu ki te Alikī e auala i tou taulaga e foaki atu mo ia. Fakamasani tatou ke iloa ne tatou o talia mo te fiafia a mealofa e maua ne tatou, e pena foki o talia mo te fiafia a te tou tuku atu e auala i te tou taulaga.

matakatakata kae mataalofa mai kia tatou.

E se gata i ei a te ukega o fale takitasi io me ko kaiga takitasi e masani o kalaga mai ke olo atu tatou o inu io me kai. Kafai foki e afe atu tatou kae faitala mo latou e fakaasi mai ne latou te lotou alolofa mo te loto fakaaloalo e ui ei e se kaiga tatou io me se fenua tasi tatou.

Ko te ata foki tenei e talagina mai ne te tusitala o te taeao tenei i Galuega a te kau Apositolo. Tala mai ne ia a te fakaafe mo te talilei a tino o te fenua ko Melita kia Paulo mo te kaumalaga kola ne afatia te lotou vaka. Fai mai ne too i ei te ua kae ko moko foki, ne tafu ne latou te afi ko te mea ke maua ne latou se mafanafana.

Ko te ata manino tenei o te alofa e talilei, te ata o te alofa o fakaaloalo ki se tino e se masani io me fenua tasi mo ia. E tenei te ata o te alofa tonu, ona ko te alofa e se fakasino tino, te alofa e se kaimanako, e se kaisano foki.

Mo tatou taina mo tuagane Kelisiano, e taua a te fakatino ne tatou a te alofa i so se matafaga e alaala i ei koe. Me kaiga me se kaiga, me fenua tasi me se fenua tasi, e taua e fakaasi ne koe ki ei alofa tonu mo te fakaaloalo. E pela mo te alofa o te tou Atua mo tatou e auala ia Iesu Keliso, ne maua ei ne tatou se olaga mafanafana kae maise ko te ola e seai sona gataga.

Asolima: 30/09/2022

Tusi Faitau: 2Kolinito 9:1-15

Fuaiupu filifilia: f.7-8 *“A tino takitokotasi e ‘tau eiloa o fai a te mea tela ko iku i tena mafaufau ke fai; e se i te loto se malie io me ko te faimalo, me i te Atua e fiafia ki te tino tela e tuku ana mea mo te loto malie. Ka ko te Atua e mafai faeloa o tuku atu ne ia ki a koutou a fakamanuiaga e sili atu i mea e ma’nako koutou ki ei, ko te mea ke maua a mea e ma’nako koutou ki ei, kola ka aoga malosi mo te faiga o galuega ‘lei katoa.”*

- Ke talo tatou mo tino puapuaga i te lalolagi, e penei mo tino konei:
- Tama’liki fakaa’lofa, fafine ko ‘mate a olotou avaga, latou kola ko pokotia a olotou olaga ona ko taua, matagi malosi mo nisi fakalavelave tupu fakafuasei i te lalolagi.
- Ko tino ko seai ne mea’kai mo mea inu, kae ko seai foki ne fale e mafai o faka’malu ki ei, mo latou ei kola e faigata o maua ne fesoasoani ki te tausiga o te olaga.
- Ko tino se katoatoa ‘lei a olotou foitino mo olotou mafaufau.
- Tino fakapuapuagatiagina ona ko pulepulega se ‘lei.

KO ASO FAKAMANATU I LOTO I TE ATUFENUA.

- Kalena a te Ekalesia Kelisiano Tuvalu.
- Aso o te Malo.
- Aso o Fenua takitasi.

KO FAKAPOTOPOTOGA A TE EKALESIA KAUFAKATASI.

- CWM, WCC, WARC, PCC, WACC mo nisi Fakapotopotoga.

Aso Faa - 01/09/22

Tusi Faitau - Kenese 3: 17- 19

Fuaiupu Filifilia – *ff.19a .A koe ka galue malosi kae tauta, kae faatoa maua ne au meakai mai te laukele, ke oko eiloa ki taimi e toe foki ei koe ki te laukele tela ne mafua mai ei koe.*

Ulu o te aso: “Ko fuataga o galuega o te fai meatonu”

E uke a tala i mataupu kamata o te tusi a Kenese e faipati fakaataata ki tulaga o te olaga, kae maise ko te fakamatalaga o te olaga i ona faigataga. E masani faeloa o lagona ne tatou a fakafesiliga me: Kaia e tau ei mo tatou o galue malosi? Te tali e masani o lagona ne tatou e fakafanoanoa, me ko pei atu fua te masei ki a Eva, ako sagasaga mai fua Atamu e aunoa mo se muna e fai ki te mea se lei ko oti ne fai ne ia.

A te tala tenei o te uluai tagata, e mafai o kilogina ne tatou, a te gasue mai i te olaga maumausolo, ki te olaga fai faatoaga. Te tagata e tau o galue malosi, ke maua ne mea mo ana ola. Te mea ne tupu ki te uluai tagata, ko tau ne ia a fuataga o tena se fakalogo, ako galuega o te fai meatonu o te Atua, e tumau eiloa. i te se fakalogo o te tagata ki fakatonuga a te Atua, ako te fai meatonu o te Atua, e tumau e se mafai o ave keatea.

Te olaga fai mea tonu, ko te olaga e manakogina ke ola ne se Kelisiano, tela ko foliga lavea o Keliso i ona tino. Se mea taua ko te Kelisiano ke ola o fakatino te fai mea tonu o te Atua i tena olaga katoa, me ka maua ei te olaga filemu mo te manuia.

Amene.

o tena matua, kae matea ne tatou a Tapita i mea fai a te Ekalesia. E faiakoga Aso Tapu, ko mea fai a te vasega a te Talavou, e usu pese i aogāpese, kae fiafia o sautala kae fakasoa mo tupulaga, e fiafia o asiiasi ki a latou kola e māsaki, me ko ai foki e manakogina se fesoasoani, a Tapita e toka faeloa o fesoasoani.

E se masani o tali lei io me fakafetai atu a tino o te Ekalesia ki a Tapita, kae e se fia saga atu a Tapita ki ei. Kafai e tonu e tenei te ata o te manatu māmā o tatou ki a ia, ke oko eiloa ki te kalagagina o ia ne te Atua mai te olaga nei, ko fātoa iloa ei ne tatou a tona tāua i loto i te Ekalesia... Ko ai mai ia tatou e se mafai o uga atu mō Petelu, te papa, o fakatagi atu mo tona fesoasoani ke toe fakafoki mai a Tapita? Ko ai e manako ki se avanoaga i te lua o fakafetai ki a Tapita, ona ko te fakatinoga gali o te alofa tela ne masani ei, mo tena fai mea ‘lei, tela ko fai mo papa o ‘tou Ekalesia?

Asofa: 29/09/2022

Tusi Faitau: Galuega 28:1-2

Fuaiupu filifilia: f.2 “*Ko oko eiloa i te atafai mai ki a matou a tino i kona. Ko to te ua, ka ko ‘moko foki, tela, tafu ei ne latou a te afi, kae tali’lei katoa matou ne latou.*”

Ulu o te aso: Ko te alofa e se masani ki ei i te tafatai

Se tasi o tuu mo aga masani a tatou i aso taumua ko te masani ki te talilei mo te fakaaloalo. Kae maise manafai e olo malaga tatou i malaga masani a te vaka i loto i tou Atufenua. Kafai e olo aka tatou ki uta i se fenua fakatea tela se ko te fenua o tatou, e lavea ne tatou a tino o te fenua tena e

moegina i te auala, ne fetau i a ia mo se mainaga ‘pula i tena auala, ne fakapouli ona mata kae ne seai e iloa se na mea ne matea.

Mai te mea tena ne tupu ne kalagagina ai Paulo ke galue i te galuega a te Atua, ko te mea ke avatu ne ia te Tala’lei ki fenua fakātea. Fai mai te tala ko seai e iloa se na mea e matea. Ne fakatonu atu ei ne Iesu a ia ke tuu kiluga, ke fano a ia ki te fakai, ko te mea ke fai atu ki a ia a te mea e ‘tau o fai. Ne fano a Paulo kae ne taunu ki te fakai, kae ne fakafetaui atu ei a Anania ki a ia, e pela e iloa mo te molimau a te fuaiupu ko filifiligina mo te aso nei. A Saulo ne manako e iloa ke tamate e iloa a tāgata o te Ekalesia, kae ne suigina ne Iesu ke fai mo tavini e talai i te Talalei. Mai i te se māina ne nofo i ei, ne fakaaogina ei a ia ki te mainaga o te Atua.

Asotolu: 28/09/2022

Tusi Faitau: Galuega 9:36-42

Fuaiupu filifilia: f.39 *“I kona foki e iloa, fakatoka e iloa Petelu o olo mo laua. I tena oko atuga ki kona, ave ei a ia ki te potu i luga. Ne mumu atu ki ona tafa a fafine ko ‘mate olotou avaga, e ‘tagi kae fakaasi atu foki ne latou a tilima mo peleue ne fai ne Tokasi ka koi ola.”*

Ulu o te aso: “Ko te Tapita i te kogāloto o so se mea”

E se lasi te iloa o tatou e uiga ki a Tapita e pela mo tala mai te tusi o Galuega, te mea fua e iloa atu ne tatou i ā ia se tino e alofa, kae se tino foki e suisui. Kae ui ei, ke māfaufau ‘loto ki uiga o Tapita kola ne olagina ne ia, Ko te manatu māluga foki tenā, ke mafai o maua a Tapita iloto i ‘tou Ekalesia.

A Tapita e gālue mālosi ki te Ekalesia mo te mafutaga a fāfine, e kaufakatasi ki lotu katoa kola e fai. E tonu e se lasi te gāluega ne fai ne ia ona ko tulaga

Aso Lima 02/09/22

Tusi Faitau - Faataoto 31: 10-31

Fuaiupu Filifilia – ff. 31. *E tau o tavae ne tatou te fafine tena ona ko ana mea katoa ne fai. E tau e iloa o fakaaloogina a ia ne tino katoa.*

Ulu o te aso: “Fai te ‘toe mea ‘lei”

E tokouke e taumafai o fai te toe mea lei i olotou olaga, kae tokouke foki e fakafesili ne latou me e mafai pefea o fai ne latou te toe mea tafasili i te lei i olotou olaga, kae fakafesili foki me sea lo ate toe mea lei, e tau o fai ne latou. I te tala o te taeao nei, lavea ne tatou te tusi tala ko faipati ki te olaga o te tino, io me ko faipati ki uiga o te tino.

Te fafine i te tala o te taeao nei, e fakaasi mai, me seai se manavase i tena olaga fano ki mua, a ia ne fakatokatoka fakalei e iloa. Ko tena uiga, ko leva ne samanaki te maatua tenei ki tena olaga fano ki mua. Ko leva ne fakaputu te olaga o te maatua tenei, e akoako kae fakatonu te olaga o tena fanau, tela la e fakaasi mai me ko toka te maatua tenei mo kalafaga fano ki mua o tena olaga, e tiga e fepakipaki te kaaiga mo faigataga, ako te maatua tenei ko toka.

I te fuaiupu e 29, e lavea ne tatou me ko faipati te avaga tagata, e molimau ei ne ia galuega lei a tena avaga ne fai. Ko faiga laa konei, e matata fakatea ei te kai o tena avaga, I tena kiloga. Ne alofa a ia kiei, ne amanaia foki ne ia te gali o galuega a tena avaga ne fai, kae fakafetai foki a ia, ona ko galuega lei a tena avaga ne fai. Ona laa ko te gali o tusaga o te maatua tenei, tela ko fakaaloogina ei a ia.

Mea nei ko te olaga tela e mafuta ki te Atua i aso katoa. Ke pena la taa olaga, ke fai ne taua mea lei mo tusaga lei i taa olaga, ke vikia te Atua i

mea e fai ne taua, kae ka maua foki ne taua te olaga filemu ki te se gata mai.

Aso ono 3/09/22

Tusi faitau - Kenese 23:1- 20

Fuaiupu Filifilia - ff.3-4. *Ne tiaki ne Apelaamo te kogaa laukele e takato ei te foitino o tena avaga, kae fanatu ki tino Heti o fai atu kia latou penei, (4) “Au se tino fakaalofa kae nofo I te fenua o koutou tenei, tuku mai se kogaa laukele ke togi ne au ketanu ei taku avaga”.*

Ulu o te aso: “Te mate”.

A te fakatalofa ki te mate, pena foki te fakatalofa atu ki te ola. i taimi e oko mai ei te foitino ki te olaga nei, e fai ne ia tusaga o te ola kae koi tuai oko ki lasaga o te mate. Se faifaiga e molimaugina me tau loa o tanu te foitino mate i te aso tena e mate ei, koi tuai o pokotia nisi i te masei o te mate e pela mo talitonu faka-Epelu. Ko te tiute tonu loa tena o Apelaamo o teuteu te foitino o tena avaga, tela ne fano ei a ia o togi se laukele mo tanu ei tena avaga ko Sala.

I taimi ne oko mai ei a Apelaamo ki te kogaa laukele tenei, kae ko isi ne tino ko nofo atu iei, tela ne fano ei a ia o togi se laukele. Ne togi ne Apelaamo se laukele i tafa o Mamele, tela ko te kogaa laukele e nofo ei a ia. Kae ona ko faiga gali ne fai ne Apelaamo mo Sala i te fenua tenei, tela ne loto fiafia ei a tino Heti o tuku se laukele kia Apelaamo. E fai mai te tala, me ne manako loa Apelaamo ke togi ne ia te laukele, ko te mea ke taku loa me i o ia te laukele.

Se mea e taua, ke fai ne te tino ne tusaga lei i tena olaga, kae koi tuai o

E ofo te loto ona ko vaegā foaki ko faigina ne tino, fai mai fakatasi a olotou mea katoa kae tuku atu ki te kau apositolo, o fesoasoani ki te galuega talai. Ko nisi mai ia latou ko fakatau atu ki tua olotou manafa mo olotou fale, ko mea totino a latou kola e aoga mo kāiga mo olotou olaga moa so mai mua, ko se tāua ia lātou, kae ko fakatau atu kae tuku atu mo te Aliko mo tana galuega.

Mo tatou i te aso nei, ne ā au mea totino ka tuku atu mo te galuega a te Atua. Mo te fekau mo te aso nei, ko au mea totino ke tuku atu mo te galuega a te Aliko, me ikona ka takato mai ei te auala o fakamanuiaga mo tatou pela mo ‘tou kaiga. Gālua mo te agaga kola e gālua mo te Aliko mo tena galuega.

Asolua: 27/09/2022

Tusi Faitau: Galuega 9:10-19

Fuaiupu filifilia: f.17 *“Tela, fano ei Anania, ulu ki loto i te fale, tuku i ei ona lima i luga o Saulo, ana muna, ‘Toku taina ko Saulo, au ne uga mai ne te Aliko ko Iesu, tela ne matea ne koe i tou auala ki konei. Ne uga mai ne ia au, ko te mea ke toe ile ou mata, ke fakafonugina foki koe i te Agaga Tapu.’”*

Ulu o te aso: Tuku te taumafai o fiafia ki ei, kae taumafai o alofa ki ei.

A Saulo se tagata o te lotu Iutaia, ne fanatu ki Tamaseko ko te mea ke saisai fakapagota a lātou kola e talai ki tino a te igoa o Iesu, I te agai atu la o Saulo ki Tamaseko, fai mai ne tupu te fakalavelave e se fakamoe-

mafai ei o tausi kae faka-tokagamalie ei te olaga i taimi faigata. Ko te mea e fakatauagina ne Petelu ko te olaga fakatau alofa o te sua tino ki te sua tino. Se tasi foki o fakamanatu ne taumafai a ia o fakamanatu ke iloa ne latou me i so se mea lei io me ko mealofa konei e maua ne tatou, ko mealofa katoa mai te Atua.

Se tiute o tatou o tausi fakalei ki ana mealofa fakasoasoa mai mo tatou i aso takitasi. E se ko tena uiga ko mealofa ko maua ne koe ko faitokotasi io me fakaaoga tokotasi e iloa ne koe. Ikai! A taleni e maua ne tatou ko taleni katoa mai i te Atua. Kae e taua i ei ke manatua ne tatou o fakaaoga te tou taleni konei e fesoasoani ei kia latou kola e fia maua ne latou tou fesoasoani e ala i tau taleni.

Taina mo tuagane ia Keliso, e ola fakatau alofa e se fai fua ne tatou i tala mo muna e faipatigina ne tatou. Kae e taua ke fakatino ne tatou i faiga alofa a tatou e fakaasi mai te sua tino ki te sua tino. E se ko tena uiga fua me ko tatou e alofa ki te Aliko, kae ona ko ia ne muamua o alofa mai kia tatou e pela mo molimau a fai Evagalia. E tau foki la mo tatou o fakatumau a te ola alolofa atu o te sua tino ki te sua tino.

Asogafua: 26/09/2022

Tusi Faitau: Galuega 4:32-37

Fuaiupu filifilia: f.32 “Ko fusi fakatasi katoa a tino talitonu konei i te loto mo te mafaufau e tasi. Ko seai se tino e muna mai pela i ana mea totino e a ia e iloa, ka ko fakatau fakaaoga fakatasi katoa olotou koloa.”

Ulu o te aso: Sea te mea i loto i te igoa?

fakatalofa atu a ia ki te mate, e penei mo te maatua ko Sala ne fai ne ia tusaga gali i tena olaga, kae koi tuai o moe ana mata. E pena te fakamoe-moe mo te olaga o te Kelisiano, ko te mea ke fai tusaga lei, manuu koi ola i te olaga nei, me kafai e oko mai te malaga a te mate, ko te auala saeala tena o te tagata kit e mafutaga mo te tamana ki te ola e se gata mai.

Aso Tapu 04/09/22

Tusi Faitau – Luka 12:1–21

Fuaiupu Filifilia – f.8-9: “*Au e fai atu ki a koutou, so se tino e takutaku atu ne ia au i mua o tino, ka ko au te Tama a te Tagata ka takutaku foki ne au a te tino tenā i mua o agelu a te Atua. Ka ko te tino tela e fakafiti ne ia au i mua o tino, ka fakafitigina foki a ia i mua o agelu a te Atua*”.

Ulu o te aso: Ko pokotiaga o te galuega

I ona aso nei, i te olaga faka- Kelisiano ka koi fakafeagai tatou mo te Covid-19, ne gālu mālosi a takitaki o te lotu i te taumafaiga o ‘toe fakamalosi a te talitonu o tagata ki te Atua kae maise ko mataupu tau ki te Atua e auala i te fakatuanaki. Kae ui ei, e fakafeagai foki tatou mo manatu penei i ona aso nei, fai mai “Au e ola faka-te-agaga kae e se ko te lotu” ko uiga o tino i ona aso nei. Tela la, te tulaga o te Ekalesia ko taumafai o fai ne ia a mea katoa ke ‘lei, kae maise ko te Tala’lei a te Atua ke ola kae ke sili atu i mea katoa, ko te mea ke mafai o toe ‘taki mai a tino katoa ki loto i te Ekalesia.

Ko te taumafaiga la a tatou o toe fakafoki mai a tino kola ne tele keatea mai te Ekalesia, e ‘tau mo tatou o tautali ki faiga ne fai ne Iesu mo ana akoakoga, kae se ko mea kola ne matea mai i uiga fai o tatou. Ko faifaiga

kola ne faigata i tino o tautali atu, ke oko eiloa ki a latou ne manakogina se fesoasoani kae ne seki mafai o maua. Tela la, i te mataupu tenei ko fakaaogagina a takitaki o te lotu Iutaia; o fakamasaua ki tino i te fakamataku a te fakamasinoga a te Atua, kae taku tonu atu ki a latou me kafai ko fakasauagina latou ka alofagina latou; ne pena foki o fakamatalagina a te fakamataku o te ‘tala ki te tagata fai-fatoaga tela i te faka’tau a tatou me ne gālue mo te poto mo te mafaufau. Kae i te mea ne iloa atu ne seki fakatoka ne ia se faka’tauga ‘lei ke mafai o ‘foki mai a tino io me ke fakamaliegina ne ia a manakoga ona taugasoa. Mo tatou i te aso nei, ko fakamāina faka’lei mai ne Iesu ki a tatou a te mea tela ko oti ne fakatoka mo lātou kola e faka’logo ki tena kalaga ke tautali atu ke fai lātou mo ona soko... Eā, e pefea koe, kae e pefea foki o tali atu koe ki te kalga a te Alikī?

Amene

Aso Gafua 05/09/22

Tusi Faitau – Luka 12:22–40

Fuaiupu Filifilia – f.22-23: *“Ne fai atu Iesu ki ona soko, tenei la, au e fai atu ki a koutou, sa manavase ki otou ola, ki mea e ‘kai koutou ki ei, io me ko mea e ‘pei koutou ki ei. Me sili atu eiloa a te ola i meakai, e sili atu foki te foitino i gatu”.*

Ulu o te aso: Ko pula lākau mo Manu lēle.

I te olaga tenei ko ola ei tatou ko sili atu te nofo mātaku o tino i te ukega o taimi. Ko oko eiloa i te faigata te olaga nei, koa lasi te manavas ne faigina ne te fāmai ko te COVID-19. Ko seai se fakamoemoega mo te lumanai

I te taimi ne tali mai ei a Iesu ki ei e ala i te tufatufa atu ona koloa ki tino mativa, ne kamata ei o se fiafia a te takitaki maukoloa tenei. E tau fakaa-taata mai ikonei me ko sili atu a tona alofa ki ona koloa mo ona maumea i lo tona naunau atu ke maua ne ia a te ola e se gata mai.

Mo tatou fanau a te Alikī i te aso tenei, konei a vaega faigata o te olaga kae maise a te natula masani o tatou kola e taofi ne ia a te olo o tatou ki mua e ala i te tou ola tautua atu ki te Alikī mo tona finagalo. A te maumea io me ko te tupe, e masani faeloa o fai ne ia koe ke fakalotolotolua e ala i tau tautua atu ki te galuega a te Atua.

Kae e taua ke manatua ne tatou, me i manuia konei e maua ne tatou nei, ko manuia katoa mai i te Alikī. Ko manuia katoa e auala mai i tena foaki mo tena fakasoa mo tatou i aso takitasi o tou olaga. Tela la, e tau foki mo tatou o toe fakafoki atu ki a ia auala i te tou tautua atu.

Aso Tapu: 25/09/2022

Tusi Faitau: 1Petelu 4:8-11

Fuaiupu filifilia: f.8-10 *“Kae sili i mea katoa, ke fakatau alofa fakamaoni koutou, me i te alofa e ‘tao ne ia a te ukega o agasala. Ke talia ne koutou mo te fiafia so se tino i otou fale e aunoa mo te muimui. A mealofa kerekese kola ne tuku atu ne te Atua ki a koutou, e ‘tau o fakaaoga mo te lei o nisi tino, e fakaasi mai ei i a koutou ne tavini fakamaoni i te tausiga o mealofa kerekese o te alofa tauanoa o te Atua.”*

Ulu o te aso: Fakatumau te alofa o te sua tino ki te sua tino

Ko te tusi muamua a Petelu ne tusi mo fakapotopotoga i Asia foliki, ke

Elisaia a te tamaliki ne mate.

Ko tau i ikonei a tona kaimalie mo tena talilei soko ki a Elisaia i taimi e fakaafe atu i ei ki tona fale. Mai tona tausī kae atafai fakalei ki te tavini a te Atua, ne molimau i ei ne ia a te toe fakamanuiaga tafasili i te taua a te Atua e ala i te ola ko toe fakafoki mai ki te tamaliki ne mate.

Ko tonu i ei a te fakamanatu o te tusi ko Epelu 13, ke manatua ne tatou o talilei atu ki so se tino e fakaafe atu ki tou fale. Me seiloa ne tatou me ko agelu a te Atua kona ko malaga atu o asiasi atu ki tou maota. Tela la, e tau faeloa mo tatou o talilei atu ki so se tino e fakaafe atu ki tou fale i so se taimi.

Asoono: 24/09/2022

Tusi Faitau: Luka 18:18-30

Fuaiupu filifilia: f.22 *“I te lagonaga ne Iesu, fai atu ei ki a ia, ‘E toe toe tasi te mea e ‘tau o fai ne koe. Fakatau atu au mea katoa, kae avatu ki tino ma’tiva kae ka maua ne koe te koloa i te lagi; ko vau ei koe o tautali mai i a au.’”*

Ulu o te aso: Sea taku mea ka fai?

Ko te fesili a te takitaki maukoloa i tena salasalaga ki te auala ki te ola e se gata mai. Ko ona manatu i tena taumata ki tena olaga tautua ko katoatoa. I tena taumata me ko manino te auala ne saele mai ai a ia i mea ko oti ne fakataunu ne ia. Kae e lilo i ona manatu, me seke mo te tali mai a Iesu e auala ki tena fakafesiliga. E lilo i ona manatu me koi tau foki o fakasoko a tena olaga mo tona ola tautua atu ke oko a ia ki te fakamoemoega ola e tela ko te ola e se gata mai.

manuia, kae na eiloa ko te nofo matakū i aso katoa. Tela la, ko fai ei tatou pela me ne tagata nofo mātaku i ‘tou olaga.

I taimi o Iesu ne tokouke a tino ne tautali ki a ia, kae e tokouke eiloa ki tino faifatoaga, tino fakatau koloa kola e mafai o maua olotou tupe mo ola lātou i aso kona. Ko te tulaga o te nofo se toka o te olaga tena ne ola ei latou. Tela, ne faipati atu ei Iesu ki a latou, ke mo ã e nofo mo te loto se toka me i te kii ki te saolotoga mai te nofo toka mo te nofo se toka e ma-tea ne koe i pula o lākau pela foki mana ‘kilo koe ki manueva. E mafai o ‘kilogina faka-te-mafaufau i nisi auala e suigina ei a taimi penei. Kae ui ei, ne fakaasi mai ne Iesu a te mea tonu me i olotou loto kola eiloa i olotou koloa. I nisi fakamunaga, ko mea e alofa koe ki ei e fakamaumau ou taimi ki ei mo mea e fakatauagina ne koe e fakaali mai ei a te mea ne alofa koe ki ai. Kafai e fakatāuagina ne tatou a mea kola e tāua ki te Atua, ko te i ai foki tena o te Atua iloto i ‘tou loto, iloto i ‘tou olaga kātoa, kae ka tausigina tatou ne te Atua e pela eiloa mo te tausī ne te Atua a manueva mo pulalakau. Ko fea momea e nofo i ei au koloa? Ko fea momea e nofo i ei tou loto. E mata nei e manavase koe ki te taimi nei io me ko aso mai mua? Ko fakamautinoa mai ne Iesu ki a tatou i te aso nei, me ko te loto malie o te Atua ke tausī ne Ia tatou, kae ke mautinoa ia tatou me ola tatou manafai e fakatuanaki tatou me ko ia e tauī mai ne Ia ki a tatou a mea ‘lei mo ‘tou olaga. Tela la, sa manavase kae talitonu mo te fakatuanaki ki a Iesu.

Aso Lua 06/09/22

Tusi Faitau – Luka 12:41–59

Fuaiupu Filifilia – f.49-51: *“Au ne vau o fakakā a loto o tino ki te ‘Talalei, kae aku muna eiloa me ko oti ne fai te mea nei. E se mafai o fai*

a te galuega tena seiloaga ko oti ne maua ne au a te papatisoga o oku puapuaga, tenei ko kufaki atu au ki ei ke oti 'lei eiloa. E ā, e taofi koutou pela i a au ne vau o aumai a te filemu ki te lalolagi? Ikai, e se ko te filemu ka ko te mavaevae”.

Ulu o te aso: E se ko te filemu kae ko te mavaevae

I nisi taimi, e manakogina ne tatou o fakailoa atu a Iesu ki te lalolagi, kae maise ki a latou kola ka seki iloa eiloa ne latou a Iesu. Konei foki a nisi 'kiloga o te tokoukega o tagata Kelisiano, ke mafai o fakaasi atu ne tatou e pela me se ata o te tagata iloto i te fakaata ko te mea ke matea ne te tokoukega o tino i te lalolagi, me iā Iesu e agamalu kae alofa, e filemu, e onosai, kae loto mau lalo i taimi katoa. E tonu ne galo ia tatou i 'tou mafaufau me ia Iesu e penei ona uiga, kae ne tupu se mea penei ki a Ia ne māfua ei o oko ki a Ia a te tulaga faigata penei, neā mea e uiga ki a Ia ne māfua ei o itagina kae fakamaseigina ei a Ia? Ne faigata te 'kiloga o te kātotoa mo te lotomaulalo, te filemu mo te loto alofa, mo te mālosi mo te fai mea mafai o te Alikī. Kae ui ei, a Iesu ne fai mo tino fakatupu fakalavelave i te 'kiloga a takitaki o te lotu mo te kau-polotiki. I manatu o lātou iā Iesu e fakamataku me aumai ne ia a fakalavelave, tela ne taumafai ei lātou ke mafai o fakasalagina. Mai i taumafaiga masei a latou, ne fakatakato ei ne Iesu ikonei se fakamailoga mo ona soko mo sose tupulaga. A te tautali ki a Iesu, e see mo se aso fua e tasi kae mô aso katoa iloto i tau filifiliga. Tela la, i nisi taimi e mafai o se katoatoa a tau tautali ki a Iesu ona ko tau filifiliga ko 'taki see ne ia koe ki se auala faigata, e se gata foki iei ke oko foki eiloa kiloto i tou kaiga. Kae me ne pefea eiloa, a te soko e 'tau o mata-ala kae ke toka i sose taimi, me i te sē

se taimi e asi mai ei ki a tatou.” Kae fai mai te tusi ko Epelu 13:2 “Masaua o fakaafe ne koutou a tino fakaalofa i otou fale. E isi ne tino ne talimalo fakalei ki tino, kae ne tali fakalei foki ki ageelu mo te se iloa nee latou me ne agelu.”

Mo tatou fanau a te Atua, e taua te fakamanatu o te aso tenei ke fakatino ne tatou i tou olaga. Ke fakamasani tatou o talilei atu ki so se tino e fakaafe atu ki tou fale. Ko ikonei e atagia ai a te tino e kaimalie o tuku atu mo latou kola e manakogina tou fesoasoani, ko ikonei foki e mautinoa i ei me ka fakamanuiagina koe ne te Alikī.

Asolima: 23/09/2022

Tusi Faitau: 2Tupu 4:18-37

Fuaiupu filifilia: f.37 *“Ne fakasiga ifo a ia i vae o Elisaia, mo ana mata ko patele kit e laukele; tena ne puke aka ne ia tena tama, kae olo.”*

Ulu o te aso: Ko te tau i mai tou kaimalie

A te ulu o te aso tenei, e tau fakamatala mai i ei me e se maumau a te olaga fai mea lelei o tatou mo latou kola e manakogina tou fesoasoani. I te olaga masani a tatou e manako faeloa ke fakamanuiagina tatou ne te Atua, e manako faeloa tatou ke maua ne tatou ne mea lei kae taua kola e manako tatou ki ei.

Ko te uala la ki te olaga manuia, e tatou mo tatou o ui atu muamua i te galue kae tautua fesoasoani mo so se tino. E tau mo tatou o alolofa atu kia latou kola e manakogina ne latou a te tou fesoasoani. Ko te ata o alofa fakaafe o te fafine Sunema ki te pelofeta ko Elisaia, ne mafai o maua ne ia se fakamanuiaga tafasili i te taua e auala i te toe fakaola mai ne

kaaoga ne niisi kola e manakogina ne latou. Ko ikonei e katoatoa i ei a te tapuakiga tuku atu a tatou ki te Atua e auala i te fakalilikiliki. E sao kae tonu foki i ei mo te vaega o te fakalilikikiga e tautuagina ne tatou. Ko Iesu Keliso ne katoatoa i ei a te fakatinoga tonu o te fakalilikikiga, e auala i tona mate fakalofa i luga i te sataulo ko te mea ke fakaola i ei tatou ana fanau agasala. Amene.

Asofa: 22/09/2022

Tusi Faitau: 2Tupu 4:8-17

Fuaiupu filifilia: f.10 *“E lei ke faite se potu foliki i luga, kae avatu ki ei se moega, se taipola, se nofoga mo te moli. Ka nofo a ia i te potu tena i so se taimi e asi mai ei ki a tatou.”*

Ulu o te aso: Kaimalie o tuku atu

Ko te tala o te pelofeta ko Elisaia mo te fafine maumea mai Sunema. Kae ko te fafine e masani o fakaafe saale ki ei a Elisaia i ana malaga masani. E se gata i ei, ko iloa lei ne te fafine tenei a te tagata tenei e masani o fakaafe ne ia ki tona fale, se tagata o te Atua.

Mai i tona iloa tenei, ne mafua ei o fai atu ki tena avaga ke fakatoka fakalei se koga e mafai ei o talimalo kae fakaafe ki ei a Elisaia i loto i te la fale. E tenei te tulaga kaimalie kae atafai ne oko ki ei a fafine Sunema tenei e ala i tena tali lei atu ki te pelofeta ko Elisaia. Te ata o te tapenaga a te fafine ko mautinoa lei ia ia a te koga e auala mai ei a fakamanuiaga a te Atua.

E tenei a te auala ne fakatino ki ei a te talilei a te fafine Sunema ki te pelofeta mai te Alike. Ana muna, *“E lei ke faite se potu foliki i luga, kae avatu ki ei se moega, se taipola, se nofoga mo te moli. Ka nofo a ia i te potu tena i so*

fakamaoni se fili faigata. Tela la, mo lātou kola ne tuku atu ki a latou a mea e uke, ko te uke foki o mea ka fakamoemogina kae e se ko te faigata mo te fakatamala ke mafai o fakasoa atu iloto i tau filifiliga.

E fakafoofogina a te mataupu tenei mai te faka’mafai a Iesu mo te manakogina o te tuku atu o tou ola, kae akoako atu foki ona soko i te fakamataku o te kaimanako mo te manatu ifo e iloa koe ki te koe. A te olaga tenei e ola ei tatou mo te uke o kulī, ko fakamalosiaina ei tatou ke agai ki mua o fakatupu a maumea, e foliga mai ko se talafeagai a te fautuaga a Iesu. Kae ui ei, e iloa fakatasi ne tatou a ata o tagata kola ne maua ne latou a mea mai i olotou manakoga ne iku katoa ki te sē fiafia kae ko nisi o latou ne mālie e iloa, me ne pefea e iloa te mūtana o mea ne maua ne lātou. Ko te malie i mea ne maua ne tatou, ko te ola tena i se olaga tela e se ‘pau mo tuu mo faifaiga i ona aso nei.

Amene

Aso Tolu 07/09/22

Tusi Faitau – Luka 13:1–17

Fuaiupu Filifilia – f.5: *“Ikai! Au e fai atu ki a koutou, me kafai e se sala-mo koutou ki otou agasala, ka ‘mate katoa koutou e pela mo lātou”.*

Ulu o te aso: Salamō

Ko te sokotakiga o te alofa o te mesini faigaluega tela e fakaaoga i malaga e igoa ki te GPS, e fesoasoani ki te salaga o auala ko te mea ke faigofie o maua ne lātou kola faimalaga. E isi ne taimi ko fesoasoani mai ke mafai o ave ne ia koe ki auala kola seki uigina e iloa ne koe. I nisi taimi, e masani tatou o mafaufau pela me sili atu ‘tou iloa i loo i te GPS, kae i nisi taimi

foki ko manatu ake tatou pela me ko see a te GPS, me ko see tena auala e fano i ei, tela ko ‘tau ei o fakaaoga a te auala foki ki tua.

A te salamō e se se pati lauiloa i ona aso nei. Kae e foliga mai pela me se pati e fakaaoga i fakamasinoga mo talaiga. Se pati e masani o fakaaoga ne tatou i tua i faifaiga faka-te-lotu. Kae ko te pati Eleni ki te salamō ko tona uiga ko te ‘fuli o te auala e agaigina, kae ke fai se auala foki ki tua. Kae kafai e tumau eiloa koe o fano i te auala see, ko siliga la te masei a te mea ko fai ne koe i te tumau o koe i te auala tena, a te mea sili e ‘tau o fai ne koe, ko te ‘toe foki ki tua kae agai atu ki te auala tonu.

Ko fakaasi mai ne Iesu i te mataupu tenei, ke ‘toe foki tatou, me ia tatou ko agai atu ki tulaga fakamataku. Tasi o mea sili i te see ne fai ne tātāgata i aso o Iesu ko te tausiga o tulafono o te Sapati. E isi ne tulafono fakapatino e uiga ki mea e ‘tau o fai mo mea se ‘tau o fai i te Sapati. Ko te faka’leiga o masaki ne manatu ki ei lātou me ko oti ne fakatapugina, kae ne faka’lei ne Iesu te fafine kae se talafeagai mo tulafono a lātou. Ne manako Iesu ke maina lātou i te loto o te Atua ke fakasaoloto a tātāgata. Ko te fai te loto o te Atua, ko te fakalogo ki te Atua kae tautali ki te Atua, ko te mea tonu eiloa e ‘tau o fai ne tatou i aso katoa. Tela la, foki ki tua manafai ko see te auala ko uigina ne tatou, me i te Aliko tena eiloa e fakatali atu o fakatonu te auala ke mafai o maua ne tatou a te ola e se gata mai... Salamō ko te ata o te foki ki tua mai auala see o tatou.

Amene.

Aso Faa 08/09/22

Tusi Faitau – Luka 13:18–35

Fuaiupu Filifilia – f.18, 19, 21a: *“Muna a Iesu: E pela mo se ã te Malo o te Atua? Se ã te me aka fakatusa ne au ki ei? E pela mo se fuaga o te*

Fuaiupu filifilia: f.7 *“Tufa atu otou meakai ki tino fiakai kae tala atu otou fale ki tino mativa kola e seai ne olotou fale. Avatu ne gatu ki a latou kola e seai ne olotou gatu, kae sa ita o fesoasoani ki ou kaiga.”*

Ulu o te aso: Ko te fakalikilikiga tonu

E masani saale te kau fakatuanaki i aso taumua o fakatino ne latou a te vaega tenei e taku ko te fakalikilikiga, tela ko te fakaseke io me se kai latou ki meakai ko te mea ke fakamalosia ei te lotou faitu faka-te-agaga. E takugina a te vaega taua tenei ko te fakalikiliki io me ko te ‘fasting’ i te gana Peletania. Ke oko mai la ki aso nei, ko lasi kii te suiga io me ko te kesega ki te fakalikilikiga tenei ko mafai o lavea i ona aso nei.

Ko te tusi faitau la o te aso tenei mai i te fakamanatuga a te pelofeta ko Isaia, e taua i ei mo tatou a te fakailoaga tenei ona me i te fakalikilikiga e se fai fua ona ko te fakamalosiga o tou faitu faka-te-agaga io me ko te tou loto. Kae e taua foki a te fakatinoga ne tatou a te fakalikilikiga i tou faiga fakatino, e tautua atu ei tatou i tou olaga tavini. Ko te talitonuga o tino Isalaelu i vaitau o Isaia e fai mai i te fakalikilikiga io me ko te fakasekega me ko te fakatapuga o te kai ki meakai, e auala ikona a te olotou tapuakiga ki te Atua.

E taua la mo tatou a te aumaiga io me ko te fakamanatuga a te pelofeta ko Isaia e auala i te vaega tenei ko te fakalikilikiga. Ke moa fua e fakalikiliki tatou i tou faitu faka-te-agaga e auala i te se kai o tatou ki meakai, Kae ke pena foki o fakatino ne tatou a te fakalikilikiga i te faitu faka-te-foitino e auala i te tufatufa atu kae fakasoia atu a mea e maua ne tatou mo latou kola e manakogina ne latou a te tou fesoasoani. E fakalikiliki tatou i mea totino a tatou, kae tuku atu a tou mea kona ke fa-

Te ulu o te aso ko mafua mai luga i fakamunaga a Iesu konei ko fai mo matua o te taeao tenei. Te se fiafia o soko o Iesu ki te mea ne fai ne te fafine, ne ala ei o avatu ne Iesu a muna konei. Se manakoga ke iloa ne ana soko o talia mo te alofa a sose mea lei e fai ne se tino i loto i te olaga fai mo soko. E fakataua ne Iesu ke talia faeloa mo te alofa ne latou sose mea e fakatino atu ne se tino ki te galuega talai. Konei a lagona o Iesu ne taumafai ei o akoako ana soko ke iloa ne latou o tali lei a sose tino.

Se taumate ne kilo ne latou te tulaga o te fafine i te sosaiete, ne ala ei o muimui a latou ki tena mea ne fai. Kae e puli ia latou me i te fafine ko manako o fai se mea e sili i te lei mo te Aliko Iesu. Lagona konei o te fafine ko manako o tavini mo te alofa kia Iesu. Kae mai te tautua tenei a te fafine, e mautinoa ia ia me ka tali alofa mai ne te Aliko ko Iesu a tena fakatokaga tenei. Te fakatokaga tenei a te fafine, e mafai o aumai ne ia se akoakoga mo tatou me i te tautua me ko te tavini, se ata o te tuku katoa atu. Se gata i ei, se tuku atu tela ko toka o talia faitalia sose tulaga e oko kia ia. Talofa i lagona fia fai mea lei o te fafine tenei. Kae ko kosu aka ne te kau soko mo olotou lagona. Kae ui ei, a lagona konei o te kau soko, kae ne fakasao ne Iesu ke iloa ne latou me e seke te olotou kiloga, mo te fakavae o te galuega talai tela e tau faeloa o talia mo te fakafetai a sose mea e fakatino mai ne se tino. E pena foki se lagona mo taua kelisiano i te aso nei. Masaua ke talia faeloa ne taua mo te alofa a sose vaega mealofa e maua ne tatou. Ke moa mana kilogina ne tatou a te tino mo tena mealofa. Kae e taua ke kilo kae amanaia ne taua sose alofaaga i loto i te galuega a te Aliko. Faitalia me lasi, io me foliki e tau faeloa o talia ne taua mo te alofa kaatoatoa.

Asotolu: 21/09/2022

Tusi Faitau: Isaia 58:5-12

lakau e igoa ki te sinapi, ne ave ne se tino o 'toki i tena manafa; ne ola kae ne 'tupu ake mo fai se mātuā lakau lasi, kae ne fai ofaga o manueva i luga i ona kaula. E pela mo te mea fakafete falaoa. ”.

Ulu o te aso: Ko te fuaga o te Sinapi mo te Isi.

Ko fakaaoga ikonei ne Iesu a fakatusa masani e lua ki ona soko o fakailoa atu ai te uiga tonu o te Malo o te Atua, te pulega mo te nofoaiga a te Atua. E foliki te fuaga o te Sinapi, ne ola ake kae ne fai mo lākau lasi. E pena foki te Isi, se vaega foliki e manakogina mai loto i te Isi ko te mea ke palu fakatasi mo te falaoa ke māfua ai o fete a te falaoa. E pena foki a te pulega mo te nofoaiga a te Atua, ne kamata i se auala foliki mo te se tāua, kae mai i te foliki mo te se tāua ne fai mo mea tafasili i te aoga.

I te lalolagi e fesotaki ei tatou, i nisi taimi e takugina ne tatou a te mea tenei “taunuga o te olaga,” se suiga foliki o te olaga i fakatokaga e fesotaki ai mo pokotiaga lasi mo akoakoga. E masani tatou o mafaufau pela me fakatino pefea ne tatou a te alofa, a te alofa mo te fai mea ‘lei o tatou ke ‘fuli ei te lalolagi, kae se iloa ne tatou me fakatino pefea ne tatou a ‘tou amioga masani, tela e fakaasi mai ei me se tāua i te lalolagi. Ne fakaiku te mataupu tenei ki te tagi a Iesu ona ko tona alofa mo Ielusalema me ko misi ne latou a te avanoaga i te fai o te mea tāua ke ‘fuligina ei te lalolagi... Tela la, ke mo ã e iloa e misi ne tatou sose avanoaga ko tuku mai ki a tatou e fai ai ne tatou a vaega ‘lei mo te Atua i te olaga tenei.

Amene.

Aso Lima 09/09/22

Tusi Faitau – Luka 14:1–14

Fuaiupu Filifilia – f.11: *“So se tino e loto fia sili, ka fakamalalogina. Ka ko ia tela e loto malalo, ka fakamaulugagina.*

Ulu o te aso: ‘Kaiga faka-te-kāiga mo te ‘kaiga fakapitoa o te afiafi.

E se mautinoa ne au me pefea a meakai a te kāiga e pela mo fakatokaga o meakai o te Kilisimasi mo nisi aso fakapitoa iloto i tou fale, kae talitonu te loto me i nisi taimi e se ‘pau a fakatokaga o aso penei mo aso valevale. Kae ui e iloa me ne pefea te ‘lei o palani ne fakatokagina, kae e mafai o foliga mai me i mea katoa e mafai o oko ki se tulaga se ‘lei. Ne ‘paku a meakai, ko faka-kinau a kāiga i vāsia o lātou i mataupu e se aoga, seai se tino e fia saga o fesoasoani ki suā tino, kae i te fakaikuga o te aso, ko nofo mai ei lātou me ko fitā, ko tauto ei lātou me ka se toe fai e iloa ne latou.

Se taumate ka manatu ake tatou pela me i te tusi faitau tenei e aumai ne ia ki a tatou se fakamasakoga ke mafai ei o fakatalitonu a te fakaseaiga o lukulukuga faka-te-kāiga. I te suā faitu, e fiafia au o fakatoka mea konei kae ke mafai foki ne au o fano ki ‘kaiga fakatipoa o te afiafi. I nisi taimi ko ‘kaiga fakapitoa penei i afiafi e masani o maopopo ei ou taugasoa. I nisi taimi ko fakatasi koe mo tino e se iloa e iloa ne koe kae ko mafai o iloa ne koe mai te fakatasiga tenei. Kae i te uega o taimi e ‘kami ne tatou a tino mo te fakamoemoe, e pela e iloa mo te masani, ke mafai foki ne lātou o kami tatou i ‘kaiga a lātou.

I te mataupu tenei mo te aso nei, seki fai mai Iesu me se talia ke fai se ‘kaiga i te Kilisimasi mo kāiga, kae ko fakamafagina te fakamataku o fai se ‘kaiga ke kamigina ei nisi tino mo te fakamoemoe ke maua mai se mea mai tino. I te maumea o te Atua, e se ‘tau e iloa mo tatou o fakagālu se mea ke fakavae mai i se manakoga tela ke fakatoka ne tatou mo te manatu ke maua mai se mea mai tino, kae ‘tau mo tatou o ālofa kae atafai

no ei ne tatou te malosi mo te silisiliese o te Atua. Aua me se fakamuni ne ia a Tavita mai ona fili, kae ne tuku matala ne ia ko te mea ke lavea mai a ia ne ana fili.

Tenei te ata manino o te pule aoao a te Atua. E se saga ki tino kola e fai fili ki tena tavini, ona me e malu kae saogalemu tena tavini i tena tausiga alofa. Ko tena uiga, e ui te faigata o te olaga, kae e malu lei faeloa a Tavita i te tausiga alofa a te Atua. Te taligamalo lava kae toe a te Atua tela e fagai, e fainu kae tausi fakalei ko te mea ke malu a ola o ana tavini i ana lima alofa. E pena foki se fekau mo taua kelisiano. E toka faeloa te Atua o faka afe kae talimalo taua ki ana fakatokaga gali. E tausi kae pui-pui ne ia a ta ola mai te faigata o te olaga. Kae masaua foki ne taua, me kafai e talitonu taua me e tausi taua ne te Atua, e seai lele se malosi faka te lalolagi e mafai o oko mai kia taua ona me e pui-pui kae tausi taua ne te Atua ki ana lima alofa.

I luga i te sataulo ne katoatoa ei a te taligamalo a te Atua, ne mate kae ne toetu ei a Iesu ko te mea ke maua ne taua te ola e se gata mai manafai e talitonu fakamaoni taua ki tena mate mo tena toetu manumalo.

Aso lua 20/09/2022

Tusi Faitau: Mataio 26:6-13

Fuaiupu filifilia 10. Ne iloa ne Iesu a te mea tena, tela fai atu ei a ia, sea te mea e fakalavelave fua ei koutou ki te fafine? Se mea gali mo te lei ko fai ne ia mo oku.

Ulu o te aso: Talia mo te alofa.

fiasili ei tatou kelisiano i ana aso nei. ko se mafai ne taua o lagona te loto malalo ke fai ei taua pela me ne tavini. Ko manako faeloa tatou o sagasaga kae ke tavini mai a niisi tino kia tatou. kae ko te fakamasaua a te talalei i te aso fou tenei, e manakogina ke ola taua o tavini atu mo niisi tino. Ke lagona ne taua te faatauva kae ke ola te loto malalo ia taua kae ka mafai ei o maua ta nofoga i tafa o te Aliko i tena malo gali.

Aso gafua 19/09/2022

Tusi Faitau. Salamo 23

Fuaiupu filifilia 5. E fakatoka ne koe se kaiga kia au, i te koga e matea mai ei au ne oku fili katoa; ne talia lei ne koe au e pela me se malo taua, kae ligi foki ne koe taku ipu ke fonu.

Ulu o te aso: Te taligamalo a te Atua.

Tasi o tuu mo faifaiga ko masani kae ko apo foki ei a te tagata Tuvalu e tela ko te talimalo. Se fakatokaga e fakavae i te manatu alofa ki se kau Malaga io me se tino ko afe mai ki te fenua io me ki te fale. e tali kae fakaafe ko te mea ke maua se malosia fakafougina aua ko te Malaga ne feagai mo ia. te talimalo foki tenei, ka atafai kae ka tausi fakalei a te tino Malaga mai ke moa ma oko kie se fakalavelave.

E pena foki se ata ko aumai ne te tusi o te aso tenei. ko fakalagi mai ne Tavita a tena iloa mo tena malamalama i te alofa talimalo o te Atua. Talitonu faeloa Tavita me e ui te faigata o te olaga maise ko te uke o fili e fepaki mo ia, kae e toka tena olaga i te tausiga alofa a te Atua. Te taligamalo alofa a te Atua e sili kese mai loa i taligamalo katoa. Fai mai Tavita, e fakatoka ne te Atua se kaiga kia ia i mua o ana fili katoa. Tenei te vaega gali e lavea mani-

ki a lātou kola ko se mafai o tauai mai se mea mō tatou. Tela la, ko te fai ne tatou ki nisi tino ko te ata tena e fakaasi ei a mea a te Atua ne fai mo tatou. Ne talia ne te Atua tatou, tela ne tuku mai ei mea ‘lei mo tatou, ko mea kola e seai ia tatou kae e maua ne tatou ona ko te natula o te Atua ko te agalelei.

Amene.

Aso Ono 10/09/22

Tusi Faitau – Luka 14:15–35

Fuaiupu Filifilia – f.23-24. ”Tela ne fai atu ei a te pule ki te tavini, fano ki auala ‘lasi i tua o te fakai mo auala lauliki kae fai atu ki tino ke aumai, ko te mea ke fonu a toku fale. E fai atu ne au ki a koutou katoa me e seai e iloa mai i a latou ne kamigina ka tami ki taku ‘kaiga i te afiafi.”

Ulu o te aso: “E maua fua a te alofa tauanoa, kae se taugofie”

Ona ko aumai ne te Atua a te alofa tauanoa kiluga ia tatou, kae ko te alofa tauanoa se mea tela e se mafai o maua ne tatou io me ‘tau ki a tatou. Tela la, kafai e mafaufau tatou pela me i te alofa tauanoa e ‘togi māmā ona e sē ‘togi ‘mafa tona ‘togi ki a tatou. Ko fakamasaua mai ne te fekau o te aso nei ki a tatou, ko kalagagina tatou ne Iesu ko te mea ke tautali atu tatou ki a ia e ala i te fai o tatou mo soko, ko lātou la kola e fai ne lātou, e ‘tau o toka me ka fakafeagai e iloa lātou mo te ‘togi.

A Dietrich Bonhoeffer (1906-1945), se tagata poto i te Tusi Tapu mai Siamani, e takutakua kae lauiloa i te manatu fakavae e uiga ki te ‘togi māmā o te alofa tauanoa. Ko tona uiga, a te alofa tauanoa tela e maua ne tatou e aunoa mo te kalagagina o tatou i sose mafuiliga o te olaga, i te mafaufau

mo uiga o te olaga nei. Ko faitauga katoa o te vaiaso nei, ko fakamanino mai ai a te faka'mafa: me ui ne kalagagina tatou ne Iesu ke tautali atu ko te mea ke fai tatou mo soko, e 'tau mo tatou o sauni o tali te kalaga. Ke toka tatou o tuku a mea katoa kiluga i te laina kae tiakina a mea katoa... Kae kafai la e se fai ne tatou, ko maumau ai a taimi e tautali ei tatou ki a Iesu. Tela la, te fesili mo tatou mo te aso nei, se ã la te tali a tatou ki te alofa tauanoa tela ne tuku mai fua ne Keliso?

Amene.

Aso Saa 11/09/2022

Tusi Faitau. Luka 15:1-10

Fuaiupu filifilia. 2a&7. A Falesaio mo Faiakoga o te tulafono ne muimui penei, a te tagata tenei e fiafia ki tino agasala. Au e fai atu kia koutou, me pena foki e iloa te lasi o te fiafia i te lagi i te tino agasala e tokotasi, ko salamo i lo te tinoiva mo te tokoiva tino amiotonu, kola e se aoga kia latou te salamo.

Ulu o te aso. Ko muna fakaola a Iesu.

Talitonuga mo faifaiga faka Iutaia, e seai se ola e maua mai ei. Te kilo malalo ne latou o tino i te sosaiete se auala tena e tamate ei ne latou a agaga mo lagona o tino. Kae e se fetau a olotou faifaiga mo te kiloga alofa a Iesu. me ia Iesu ne vau mo tino konei e manatu mama kiei a latou.

Te muimui o faiakoga o te tulafono mo falesaio, se tulaga masani o te olaga e ola ne latou. e tenei e iloa ko pati faka lagona ko te mea ke lagona mai ne Iesu a olotou pati. Kae e puli ia latou, me i olotou muna mo pati e fai, e kese mo muna fakaola a Iesu. a latou e taumafai o taotao ki lalo a

Te ata sau katoa o te galuega talai io me ko te misiona a te Aliko Fakaola, tenei e aumai manino ne te tusi Faitau o te aso tenei. e tela se galuega e fakavae ki te loto malalo kae lagona te faatauvaa. Se galuega e se manakogina te sagasaga mo te fatai vae. Kae se tusaga e fakatino i lagona faka tavini mo te loto fakamaoni kaatoatoa.

E tenei te ata sau katoa o te galuega fakaola a Iesu Keliso. E tela se galuega e tavini atu, kae se manakogina ke nofonono kae ke mai a tino o tavini mai kia ia. ko fakaasi manino atu ne Iesu ki ana soko, me e kese a pule mo takitaki o te lalolagi mo olotou faiga, kae e kese foki a tena tulaga faka pule ne uga mai ei a ia. te manakoga o Iakopo mo Ioane, se manakoga e gali aua ko te naunau o la loto ke nofo tumau laua mo te Aliko. Kae ko te fakalavelave fua, me ko manako ke sagasaga laua i tafa o Iesu. e puli ia laua me e se manakogina ke sagasaga se tino e pela mo Tupu mo Pule o malo faka te lalolagi. mai te manakoga o te tokolua soko konei, ne mafua mai ei a muna a Iesu konei ko fai mo matua. ko avatu ne Iesu kia laua konei a te ata tonu o tena misiona talai. Tela kafai se tino e manako ko ia ke sili, e tau o galue o tavini atu. Sose tino e manako o nofo i tafa o te Aliko, e tau ke muamua o fai a ia mo tavini tela e ola o tautua i tena olaga.

Ko tena uiga, kafai se tino e manako ko ia ke sili, e tau mo ia o lagona te loto malalo ke mafai ei ne ia o tuku atu tena ola ke tavini atu mo niisi. Te ata manino tenei o te galuega talai a Iesu. se galuega e fakavae ki te loto malalo mo te filemu. E se manakogina ke ola fakamaualuga se tino i loto i te talalei a Iesu me ka fai ei mo mea e seke ei te fakatinoga mo te uiga tonu o tena misiona talai.

Kafai tenei te uiga me ko te ata sau katoa o te misiona a Iesu, e sili la ke pena foki o ola kae tautali tatou kiei i te vaitau tenei. ko uke taimi e ola

me i te Atua ko te pogai o manumalo mo te amiotonu tela e fakatoka ne ia a mea se i te olaga. te lua o tala fakatusa, ko te tokolua ne talo. E tenei te natu- la masani o te Falesaio e fia takuamionugina i mua o tino mo te Atua. kae puli ia ia, me e lavea ne te Atua a te takele o te loto. e se manako te Atua ke ola fakamaualuga se tagata i tena malo. Te ata o te tagata ao lafoga, se akoakoga sili i te taua ki te olaga. aua me ko te ata tonu tena o te olaga i loto i te malo o Atua.

Ko muna o te ola konei ne fakalagi atu ne Iesu i te fakaotiga o te Faitau. Me sose tino e fakamaluga ne ia a ia e iloa, ka fakamalalogina. Kae ko te tino e iloa ne ia o ola kae faka malalo tena tagata, ka fai mo tagata taulia i te ma- futaga mo te Atua. e pena foki se lagona mo taua kelisiano i te aso fou tenei, e manakogina ke iloa ne tatou o amanaia a tino katoa kola e ola fakatasi mo tatou. e se manakogina foki ke manatu mama tatou ki niisi tino kola e mana- tu tatou me e agasala ki mua o te Atua. masaua, me i te Atua e kilo ki te takele papa o tou loto mo toku loto. e sili ke lagona ne taua te loto malalo, me ko ikona e faka akoi ei taua ne te Atua ki ana lima alofa.

Aso Tapu 18/09/2022

Tusi Faitau: Maleko 10:41-45

Fuaiupu filifilia 43&44. E se tena la te auala e tau o fai ne koutou.

Kafai se tino e manako a ia ke fai mo tino sili, e tau a ia o fai mo tavini a koutou. Me i au te tama a te tagata ne seki vau ko te mea ke tavini mai a ti- no, kae ne vau au o tavini atu, kae ke tuku atu foki a toku ola e fakasaoloto ei a tino e tokouke.

Ulu o te aso. Te ata o te misiona a Iesu.

olaga o tino i olotou muna e fai, kae ko Iesu, na ko muna fakaola e fa- kaleo mai ne ia. Te aumai la ne Iesu o te tala ki te mamoe ne galo, ko te fakamaoniga tena e taku atu ne ia, me e seai se tino e tiakina ne ia ke fa- kaalofa. E amanaia katoa ne ia sose tagata faitalia me pefea tena tulaga. Te mea taua fua e manako kiei a Iesu, ko te tagata ke iloa ne ia o salamo kae ka kopi a ia ne Iesu ki ana lima alofa.

Mo taua kelisiano alaala, ke moa mana puli ia tatou me ia tatou ne fakaola ne Iesu. masaua me i muna a Iesu ne muna kola e fakaola ei a ta agaga takasese i te masei o te olaga. ke pena foki la o fiafia taua o fai a muna kola e mafai ei o fakaola a agaga o niisi tino. Kae ke moa mana fai taua pela mo falesaio kola e taumafai faeloa o tamate a lagona mo manatu o niisi kola e fia tautali kia Iesu.

Aso gafua 12/09/2022

Tusi Faitau. Luka 15:11-32

Fuaiupu filifilia 32. Ko tau foki o fai se kaiga e fakafiafia ei tatou. me i tou taina ne mate, kae nei ko ola. Ne galo, kae nei ko maua.

Fuaiupu filifilia. Muna mo se fakamoemoega ola.

Te tusi o Luka e aumai ne ia a tala fakatusa konei e tolu. Te mamoe ne galo, te sene ne galo, kae fakaoti ki te tala o te tama fakamaumau mea. Te taina matua ne kaisano, mo te tamana alofa faka magalo. A tala fakatusa konei a Iesu, e aumai manino i ei a te ata saukatoa o tena misiona mo te alofa fakamagalo o te Atua. tela se alofa e aumai ne ia se fakamoemoega ola ki tino kola ko seke mo te ala e manako a ia ke sasale iei. Te fuaiupu filifilia o te aso nei, e aumai ne ia se ata o muna e fakatupu

kae maua ei se fakamoemoega fou mo te olaga. te tali tenei a te tamana ki tena tama matua tela ko se manako o ulu atu ki loto i te fale. ko kaisano kae muimui. Ko fia fai pela me se tamana tela e pule i te kaiga. kae ne fakamanatu ne te tamana kiei me e seai se fakamoemoega ola e mafai o maua manafai e ola ia ia a manatu konei. kae kafai e ola te loto faka magalo ia ia, ka mafai ei o maua se avanoaga mo kita tela ko salamo. te ata manino tenei o te Atua e se manako ke tuku tiaki se tino ke fakaalofa. E se manako ke takasese ana tagata i te pouliga o te agasala. E se manako foki te Atua ke mate te fakamoemoega o sose tino aua me e maumau ei a te ola.

Kafai la tenei te manakoga o te Atua, e gali la manafai e ola taua o fakamagalo atu. Kae aumai a ta taina mo tuagaene kola ko galo i te masei o te agasala ke mafuta fialia mo tatou. ke taumafai taua o avatu ne fautua-ga kola e mafai ei o maua se fakamoemoega ola i niisi o taina ko vaivai i te olaga tenei. masaua, me i te tamana ne seki puli ia ia tena tama tela ne fano o fakamaumau ana mea, kae ne nofo o fakatali ki tena foki mai. Ne fakatoka ei ne ia se kaiga, se gata iei, ne talavai foki ne ia a te loto muimui o tena ulumatua ko te mea ke mafai o toe maua se mafutaga fialia i loto i te kaiga.

Aso lua 13/09/2022

Tusi Faitau. Luka 16:1-18

Fuaiupu filifilia 13. E seai se tavini e mafai o tavini atu ki pule e tokolua; i te mea ma takalialia ki sua tino, kae alofa ki te sua tino. Io me galue fakamaoni ki sua tino, kae fakaseaoga ne ia te sua tino. E se mafai ne koutou o tavini fakatasi ki te Atua pela foki mo koloa faka te lalolagi.

Ulu o te aso. Galue mo te fakamaoni.

tu mafa ki tena ola, ka sao a ia. manino lei ikonei te faipatiga a Iesu. me kote tagata e manatu ki te talalei, ko te tagata tena e se manumanu ki tena ola. Ko toka o ofo katoa atu te ola mo fai te galuega a Iesu. kae e aumai ne Iesu a fakatokaga lei ki tena olaga. e se ko tena uiga la ke soona fai ne taua a te olaga ki mea kola e maumau ei te olaga. kae ko te tuku atu katoa o te olaga mo fai a te galuega fakaola a te Alike Iesu. me ka se maumau ei a tou ola mo toku ola kae ka aoga a ta ola i loto i te malo se gata mai o te Atua.

Aso ono 17/09/2022

Tusi Faitau Luka 18:1-17

Fuaiupu filifilia 14: Au e fai atu kia koutou, ne fanaifo a te tagata tenei ki tena fale ko takuamionugina, kae se pen ate sua tino; me sose tino e fakamaualuga a ia ne ia eilola, e fakamalalogina, kae ko te tino e fakamalalo ne ia a ia eilola, ka fakamalugagina

Ulu o te aso. Muna o te ola.

Tala fakatusa a te tusitala o Luka, e lasi te aumai ne ia ke maina kae malamalama tatou i te Atua. se faamalama e mafai ei o kilo atu tatou ki te Atua mo tena malo. Tala fakatusa foki konei e avatu ei tatou ki se mafutaga mo te Atua. ke maina tatou i faiga mo uiga o te Atua. kae se gata i ei, ke mafai foki ei o fuli atu tatou ki te Atua mo tena malo.

I loto i te tusi o te taeao tenei, e lua a tala fakatusa konei e aumai ne Luka. Muamua, ko te fafine ko mate tena avaga, tela e manako ki se fakamasi-noga tonu. Kae i te lalolagi o te feagaiga fou, e seai se leo o te fafine, e se mafai foki te fafine o fakaleo atu ana manakoga. Kae lavea lei la ikonei

faeloa tatou ne masaki kola ko fuifaiga mo faigataga o te olaga. kae ke moa e puli ia tatou, me e fakatoka ne Iesu a mea kona ki tena alofa tumau. Tela la e tau faeloa o avatu te fakafetai kia ia i aso katoa o tou olaga.

Aso lima 16/09/2022

Tusi Faitau: Luka 17:20-37

Fuaiupu filifilia 33-34. So se tino ka taumafai o fakasao tena ola ka maumau eiloa. So se tino foki ka se manatu mafa ki tena ola, ka sao a ia.

Ulu o te aso. Te olaga i te malo o te Atua.

Te peiakiga o manatu ne mafua mai i te fesili a niisi o te kau falesaio. Ne fesili kia Iesu me e oko mai afea te malo o te Atua. te Iutaia e talitonu kae fakamoemoe ki fakailoga fakafoofogina. Ne nofo fakatalitali ki te oko mai o te Mesia. Kae i loto i te sautalaga tenei, ne avatu ei ne Iesu se kiloga e kese mai i te olotou kiloga masani. Ne fai atu ei a Iesu kia latou me i te malo o te Atua tena eiloa i loto ia koutou.

Se tulaga e faigata tenei ko avatu ne Iesu ki falesaio manafai e fuafua atu te mafaufau ki te talitonuga masani o falesaio. Aua ne nofo fakatalitali ki te malo o te Atua, kae tenei ko fai atu a Iesu me tena eiloa e nofo mo latou. ko tena uiga, ko taumafai a Iesu o fakamaina kia latou, me e manakogina ke galue latou ko te mea ke atagia ei a te malo o te Atua i olotou olaga. kae ko lotou uiga vaivai mo uiga lamalama ko iloa lei ne Iesu. kola ko fai mo mea e se lavea ei te malo o te Atua i olotou olaga. Muna Iesu, sose tino e taumafai o fakasao tena ola ka maumau. Ko tena uiga, e se manakogina ke fakamaumau te olaga ki mea valevale. Kae manakogina ke aoga mo te Aliko mo tena talalei. Sose tino foki e se mana-

Sose galuega e fai ne tatou, e tau faeloa o fai mo te fakamaoni. Ko tena uiga, e galue malosia a kita ko te mea ke maea kae ke taunu fakalei. Aso nei, ko oko te maua gata o galuega. Tela la e taua ki ke fai fakalei a galuega ko te mea ke mafai o tumau a kita i tena galuega au ate tausiga o te olaga.

E pena se ata o te galue fakamaoni e manatu kiei te ulu o te aso tenei. kae ko laga mai foki ne Luka te agaga eiloa e tasi i te tusi Faitau o te aso nei. te tala a Luka tenei, e tuku ne ia i te vaasia o te tala ki te tama fakamaumau mea, mo te tala kia Lasalo mo te maukoloa. Kae ko tala katoa konei e lua, e fakamafa ki koloa o te olaga. kae ko koloa ko mea konei e mafai ei o se galue fakamaoni a kita ki ana tiute fai.

E se fakamafa la ne te tusitala me e se taua io me masei a koloa. kae ko te mea e manako kiei, ke moa mana ave te faka muamua ki koloa kae ke fakamuli ne tatou a Iesu. e se tau o fakapau a tou galue fakamaoni ki te Atua mo koloa o te olaga. e manakogina ke masaua ne taua me i koloa ko mea kona ne mai ne te Atua mo ola te tagata. ko tena uiga, e tau o fakaaoga ne tatou kae ke moa mana Atua tatou ki koloa. te fakamanatu tenei a Luka me e se tau mo tatou o tavini ki pule e tokolua io me iku eiloa ki te malie te sua pule, kae se fiafia te sua pule.

Ko te manakoga foki tena mo taua kelisiano i te aso fou tenei. masaua me i koloa o te olaga tenei, ne vaega o mealofa mai te Atua. tela e tau o fakaaoga mo tou ola kae ke moa mana tuku katoa kiei a tou mafaufauga. Ke moa mana sili atu te faka taua ia tatou o koloa i loo te Atua tela ne aumai me ne mafua mai ia ia a koloa kona. Galue fakamaoni tatou ki te Atua me koi ate pogai mo te mafuaga o koloa katoa i te lalolagi tenei.

Aso tolu 14/09/2022

Tusi Faitau: Luka 16:19-31

Fuaiupu filifilia. 29&31. Kae ne fai mai a Apelaamo, kola e i a latou a Mose mo Pelofeta. Ke fakalogo la latou kiei. kae ne fai mai a ia, kafai e se fakalogo latou kia Mose mo pelofeta, e se talitonu foki e iloa latou manafai e toetu mai se tino mai tino mate.

Ulu o te aso. Manatu ko ponogina ne koloa.

I loto i te tusi o Luka, e uke a tala e aumai ne ia ki koloa mo maumea o te olaga. kae se ata e aumai ei me e se manako Iesu ke fai a koloa mo mea e pono ei te kiloga a te tagata ki te talalei. E iloa lei ne Iesu me i koloa mo maumea o te olaga, ko te koga ten aka taula ei a te olaga o sose tagata. te tala a Luka e aumai manino iei te ata o te tagata tela ko ponogina ana manatu ne koloa e pela mo te maukoloa. Ne fai a koloa mo mea e kivi ei ana mata, ko se iloa ei ne ia o ola kae tausi ki akoakoga a Mose mo te kau pelofeta. Koloa ne ala ei o se iloa ne te maukoloa a te uiga tonu o te olaga tenei. Tenei te mea e manatu ei a Iesu, me i koloa e mafai ne latou o pono a mata o te tagata mai tena talalei.

Te mea e manakogina ikonei, ko te tagata ke ola fakalogo kae tautali ki akoakoga a Iesu i loo te futigina o te loto ne koloa. e manakogina ke moa mana puli ia taua kelisiano a te alofa e se faka tuakoi o te Atua tela ne aumai e seai se togi mo tatou. ko tena uiga, ke pena foki tatou o ola o fakasoa atu kae maise ke ola tautali kae fakalogo ki akoakoga a Iesu e se mafai ei o pono a ou manatu mo oku manatu ki te talalei, ne koloa mo maumea o te olaga tenei.

Aso fa 15/09/2022

Tusi Faitau. Luka 17:1-19

Fuaiupu filifilia 15&16. A te tokotasi o latou i tena laveaga ia ia ko lei, ne toe foki mai kia Iesu, kae ne viki atu ki te Atua mo te leo malosi. Kae ne fakasiga ki vae o Iesu, kae fakafetai atu. A te tagata se tino samalia.

Ulu o te aso. Sa puli te alofa.

Ko uke a taimi i loto i te olaga tenei, e puli faeloa ia tatou a te alofa mo ana faiga ne fai ki aso o te olaga. e lasi o manatu mama a tatou ki faiga ne fai kia tatou ko ala ei o se masaua ne tatou o fakafoki atu te fakafetai mo te fakaaloalo ki te tino e tau ki ei.

Manatu e pena se ata i te tala a Luka i te aso nei. e tinogafulu a lepele ne fakaleigina a olotou lepla. Kae se tokotasi mai ei ne seki puli ia ia a te alofa ne fai mo ia. tela ne foki o viki kae fakafetai ki te Alike Iesu. kae i loto i te molimau a Luka, e fai mai me se tino o fenua fakaatea tenei ne masaua ne ia o fakafetai kia Iesu. tino o fenua fakaatea, e se amanaia i loto mo manatu o tino Iutaia kae tenei ko muamua o masaua ne ia me e tau o fai tena tusaga o fakafetai kae viki kia Iesu.

E molimau mai foki ne Luka, me ne fakasiga ki vae o Iesu o fakafetai atu kia ia. te ata manino tenei o te tagata e vau mo te loto katoa. tagata e vau mo te lagona tonu o siki tena fakafetai kia Iesu aua ko tena alofa. Ko te ata manino foki tenei e aumai ei me e iloa lei ne te tagata tenei me ia Iesu ko te tama a te Atua. ko te fakaola tela ko vau o ofa ne ia a pui o te olaga. tela koi a e tau o ave ki ei a te vikiga mo te akafetai e tusa ei ko tena alofa tauanoa.

Kelisiano i te taeao fou tenei, se fagu foki tenei mo taua. ke moa mana puli ia tatou a te alofa o Iesu. ke masaua faeloa ne tatou o foki ki vae o Iesu mo tou loto fafetai ki tena alofa se fuli mo tatou. masaua me e maua